

劉仲修先生詩文集

劉仲修先生文集卷之三

目錄

之矣論邪道之不平時... 國重利其失集計江教其書改

劉君仲修文集序

臨江舊稱多士之邦至於近代文章之醇雅尤彬彬  
迭見蓋作之於前者既所趨之正則踵之其後者愈  
趨之易矣劉君仲修郡城之世家也自其少時隨父  
宦遊之四方固已嗜學業能文詞矣迨其革捨擯之  
際與郡士楊伯謙彭聲之諸賢日究論雅道如春  
之時居則研精六經旁搜諸子史由漢至唐文章之  
傳者咸辨其醇疵高下而做其可做其遺詞發咏追  
金琢璧鉅篇短章短度悉合至其歸之至理則如履

康莊之備而旁岐曲術勿迷所之焉偉矣哉立言之  
工也而所趨之正其得之觀感者亦然矣天朝徵用  
儒雅仲修嘗一至京師翰林宋公景濂一見而道同  
意合然仲修竟以重聽許辭公欲留之不可乃賦詩  
餞之其歸金川也同儕益推後進爭慕恬然將終身  
而嗣子奉獲罪縣官乃籍其家奉既死君亦徙東萊  
至桃源病卒嗚呼其可忍也夫唐之陳子昂死射洪  
縣獄君之以富累身蓋與之同也子昂文章冠海內  
君之追古作者與之亦同也後之慕子昂名又傳不

泯而君之可不泯又奚不與之同也哉君既卒新喻  
章詰為采輯其詩文得若干篇何光從而編次之詰  
字子愚光字彥謙皆君之甥屬又為其弟子其用心  
亦勤矣君名永之以好書之篤故自號山陰道士子  
愚將以其集刻之梓來請曰山陰與先生交相知為  
新為集之序亦曰義之固當為者也洪武壬戌孟秋  
之月同郡梁寅序

重刻山陰文集序

予自知學時即知有吾山陰先生惜其應聘未仕功業罔所著聞其所謂文章者則又晚罹憂患類多散逸後雖少有掇拾淪落無傳徒切景慕迄今百數千年餘予謝事山中先生捨世孫相成者推尚文事偶持先生文集一冊欲重壽諸梓索予序予始得而讀之其為詞格調精工諸體備至泚泚乎風雅之遺其為序記鋪張事實有典有則鑿鑿予載之道器至如論事論理之書則文詞嚴義正毫髮不少假借其文

盛矣觀其評劉子高之文則曰古體如三代彝器雖  
簡質而極溫潤律絕如春雲映日流麗可愛樂府歌  
行如寒泉出谷其音鏘然可聽評周子諒之文則  
曰筆力雄贍豐不汎詞約能達意見於文清新婉麗  
春融幽遠見於詩雅所以狀人實所以自狀誠有如  
梁石門所謂追金琢玉槩度悉合宋潛溪所謂詞翰  
雙絕江南文價為君低者是也夫以先生之著作如  
是涵養如是固宜其得天得人何卒不免終而其文  
久晦如是耶予聞讀方遜志先生序王華川公文集

曰天下之物天皆易與人惟斯文不易與人幸而與之必用奪其身心抑鬱其神志其終身佚樂榮盛而無虞者至鮮也又曰天之於人厄於一時者未必不耀於無窮蓋推原天意與華川以文使遭不幸而其文終當鳴世為華川公幸先生功業固未敢擬於華川而其晚年得禍文章至是始行則與華川無異矣謂非天意有在不可也獨不可為先生幸哉予弗文無能發揚盛美以闡幽光亦惟推本論之以序先生



劉仲修先生詩集卷一

五言古詩

秋懷

白日行西陸氣候慘以悽沈沈夜未旦皎皎明月輝  
寒蛩響陰砌羈鳥鳴高枝耿耿不能寐攬衣起徘徊  
天道諒幽遠人理固多違念彼西方人喟然傷我懷  
翩翩梁間燕矯矯雲中雁南翔復北逝時序倏已換  
駕言出西郊登高縱游觀原野何蕭條流潦方漫漫  
萋楚有餘悲下泉興永嘆安得攜美酒聊以娛今旦

幽幽澗裏蘭娟娟常自好秋風厲嚴威零落隨百草  
芬芳豈不美哀榮順天道嗟我平生友離居心惴惴  
坐令冀成素為歆當及早晝夜相代更誰能置懷抱  
涼風振庭樹浮雲結重陰中情忽不樂拂几彈鳴琴  
冷冷多苦調零淚沾衣衿遠懷東都士登彼北邙岑  
悵然望京洛五噫發哀吟悠悠千載下誰識古人心

虛白堂為香鑪楊鍊師作

至人悟玄秘可授不可言冥西不在遠乃在香鑪山  
日月耀兩扉環樞動無端氣冲應內息神游非外觀

止水有玄珠光氣恒煜然凝暉照其室重華即高圓  
靈芝遺綠草白玉不益鑑

濁世何足慕倏忽若飛烟  
願貽青霞佩一采紫芝妍

省庵詩伍朝賓賦

席戶宜云陋思志養真浮握髮 澗游良悟 照臨

肯宿崇丘遵緼泛寶陶尊床有古人書披覽質前聞  
敬躋頌商武翌翌費姬文屢空希顏樂日省企曾言  
先民爰有作明哲戒將然雲雷造草昧八紘方墊昏  
惜者騁前轍修途摧後轅敢忘兼山象寤寐考槃篇  
良璞不淄磷旁達見孚尹惟應被褐者可與洗心論

題梁聘君石門精舍

君子秉明智其道乃猶龍醴酒一不設穆生隱其蹤  
峨峨石門嶺蒼蒼多雲松莓苔生澗戶藤蘿拂山窗  
諸生坐兩楹高咏枕絲桐華髮盈素几談說何從容  
慕孔述獲麟景顏同犀空唯應千載下矯首瞻高風

楊弘中藥室

東志慕冲澹息迹在立閭閒庭徧芳草高窗見遠山

采苓涉松逕煮朮散榆烟  
董子來往躅松子有遺編

神宇謝氛濁天倪諒斯全  
唯當振塵服與子共清言

雪岑詩為蜀人賦

岷峨鎮坤維上有太古雪寒光萬壑連皓采千峯列  
石竇玉泉生琪樹瑶華結挂笏面嶙峋中懷共高潔

山澗讀易軒

環環碧澗連靡靡蒼山屬初日照林端春禽鳴布谷  
松深有去雲苔靜無來躡獨把一編書時向窗間讀

海屋為蕭君賦

結屋青海上弄影滄江涯手持翡翠竿誤拂珊瑚枝  
龍嘘春霧合鶴度晚雲乘弱流幾清淺為書報安期

重過北澗留別

昔與二三子攜手北澗陰  
春日聽鶯響秋風聽鴉吟  
擷茗經長丘采蘭涉欽岑  
有時坐磐石酌酒臨清潄  
紅藥間綠藻紫蔓延青林  
誓將遺俗紛結好在雲岑  
去之十餘載實為塵事侵  
尋常發遐想夢寐相追尋  
朧朧松間月猶照西窗琴  
重來躡蘿徑欣然諧素心  
童冠儼成列華皓夙所欽  
飛軒既窈窕虛閣復深沈  
蘭燈照綺席桂醕盈清斟  
金盤薦鯪鮓雕俎炙嘉禽  
高情過雙壁厚意踰千金  
惟會良獨難離思浩盈襟

徒御宿已戒青驪逝駸駸惟當堅推搦重寄瑤華音

題蘭玉坡

瑤玻結華構飛軒開綺櫳嬌鶯集琪樹翬羽繞芳叢  
蕊脫映紅旭霜靡轉光風賓親日戾止觴咏何從容  
綵翰摘藻句朱綺絙孤桐散帙味周孔披圖仰喬松  
遺紛契玄默怡情雅道中逍遙至黃髮焉知年歲終

題烟雲臺

祠宮儼肅穆靈貺赫然敷藻井乘珠寶素壁繪金圖  
澗長三花樹林棲九子烏遙峯隱殘照丹霞晚漸舒

眇然登雲駕誰謂古今殊

雲鶴巢

厭彼難鷺群愛此青田鶴結構象  
巢幽棲在林壑孤鶩白雲杪遐  
瞰紫烟中山影搖松月磻聲鳴竹  
風不為好爵縻獨秉冲霄志即有  
萬里翔聊聞九臯嘆少君滄海上一  
札傳仙書明當跨霜翮遊戲崑崙墟

山亭宴坐懷西岑諸友

流溪無來軌山亭迥且深清風左右  
至夏木霜繁陰飛飛雙珍禽喈喈  
流好音懷君青霞珮歷亂朱絃琴



惟應西峯月可以喻同心

初發秣陵夏潦新漲烟水瀰漫舟行蘆葦間  
晚霽眺望援筆書懷

孱劣罕世用久隨麋鹿蹤誤蒙曲臺召秉筆從諸公  
議論既無補之乎非素攻長揖謝書閣拂衣返荆蓬  
登艫望烟水瀰漫橫虛空危樯引弱纜黃綠葭葦中  
暮景延幽思豁然心目通殘霞留霽色積霧卷長風  
青山界淮右綠樹明江東形勝吳楚接興亡古今同  
近聞濟樓船英聲驚群雄霸功一已建王業自尊隆

我我啟禁闥煙煙開紫宮周行列塞謫在楚便踈慵  
沉冥夙所尚永願息微躬家隣金川水窗瞰玉梁峯  
涉夏繁草木近秋凋梧桐樵牧時泰耕稼願年豐  
從茲掩關卧那聽景陽鐘

經采石望太白墓

采石多名酒苔磯水自香昔年李太白於此屢銜觴  
失意長安道狂歌入楚邦雲烟揮翰墨宮錦製衣裳  
醉骨埋青嶂荒祠帶夕陽余亦忘機者翩然辭帝鄉  
田園蕭水上井邑葛山旁去去隨鷗鳥烟波正渺茫

山坐

枕簟

栖鳥去曛曛曉日升

山無粉滓寒塘瑩如冰

若人事場園禾黍稍已登  
牧豕下東阡伐木上高陵  
予焉美閑適愛此霽景澄

野老看雲圖

文湍激幽澗白雲流遠山  
偃仰長松下延眺一怡顏  
清風拂素服瑤花落樹間  
拾薪青烟際煮苓供晚餐  
耽此邱中賞竟日未言還

前有一尊酒

前有一尊酒斟酌雅平生十五富篇翰二十刷群英  
三十遠行遊四十翻無成歸來衡門下百日不開局  
蟪蛄網西戶灌木翳東榮鄉人笑迂拙過客稱狂生  
有時登高邱舒嘯自陶情白日忽西逝滄溟但東傾  
道遥守屯賊保己終遐齡

題翔鸞山天風八極樓

仙山發靈秘華構俯深崇青霓麗飛楫丹霞結綺窗  
神君降清夜御氣躡烟虹雲驥上無極精爽陵八紘

下視見游塵起滅尋丈中千載論皓劫何由晞閑風  
一遇浮邱伯冥觀庶可同

題枯木蘭

猗蘭生遠壑歲久紫玉芳白露溥夕景光風轉朝陽  
吹簫望澧浦鼓枻向沅湘何以貽遠者徘徊雙鳴璫

重過西峯興懷舊游

游雲薄層霄飄飄從所適偶與長風會高舉翔八極  
既無聚散情寧存去留迹神宇屬再經經術記已歷  
溜溜出谷泉磊磊當澗石華蘭秀初春風條鳴終夕

臨觴缺佳偶撫枕虛瑣席芳詞故在度青薇詎云匪  
向思託柔翰方期重來覲

寓滿洲田莊

暄風變時節春衣猶未換城郭日驅馳郊坰偶遊觀  
新燕望中綠飛花坐來滿濁酒聊自傾醉卽眠山館

春暉堂

高堂照初日流景耀樞軒綠衣娛左右珍饈列方圓  
升舞獻眉爵賓親歡四筵素服三遭訓官學在芳年  
跼勉從王事迢隔間山川感披三春念一賦白華篇

門有車馬客

門有車馬客。駕言發西京。備請興廢事。具識治亂情。  
天子既神武。儲君復神明。鐘鳴啟雙闕。王侯古雁行。  
要遠無貴戚。密地有寒英。懷柔建六典。戡強用五兵。  
西伐踰葱嶺。東征際滄溟。北盼警沙漠。南顧定儋瓊。  
金園啟天秘。銀甕發地靈。八表既蕩一。九有悉來庭。  
鄙人值陽九。嗟與兀運并。慷慨攜客泣。矯首瞻太平。

君子有所思

君子有所思。乃在西山趾。昔聞有夷叔。采薇因餓死。

雖有千載名其身良苦矣天都人子託烟連咸里  
秉笏朝兩宮揚鞭過三市車馬甚照耀奴僕亦光侈  
傍觀共歎息繁盛無與比快意樂當年安識仁與義

春日書懷

學劍昔無成詩書歲年邁沉憂變鬢髮積疴寬韋帶  
泠泠疎竹秀藹藹寒山對遙聞橫吹音坐憶山陽會

壬寅二月廿一日雍虞豈臨江劉永之宋

道士劉昱李文同登西峯之烟雲臺以登高

望遠為韻各賦四首



仙山百餘仞振衣聊共登陽林映昭晰陰壑瀉璵璠  
靈泓蟠玉虬丹雘冒翠藤霏霏穀霧歛冉冉卿雲升  
棲遁皆真侶搗藥畫高朋雖非慢亭會終使逸情增  
炎運昔中否仙吏乃遁邀朝命三山侶夕謝九州豪  
碧堰儼遺躅杉桂若旌旄登覽值春晏微雨洒蘭皋  
俯窺石壁峭仰羨天路高愧無謝客才翰墨聊復操  
素志抱冲澹每懷邱中賞茲山實靈異景物多清曠  
蜿蜒紫雲瀑芙蓉開疊嶂丹柰遺嘉植青猿流哀響  
赤城如可希閨風遙相望聊為采真游毋煩北山謗

結構陵紫烟玲瓏望青嶽花開一水明松暝衆壑晚  
驚膚隱還見長蘿披復卷旣同風中咏復比林下宴  
流眄屬淹延言歸猶繾綣誰言薄當世暫訢康事遠

同林伯尚分韻得羽字

僧居謝煩燠蕭條對疎雨碧甃躍金鱗石梁散文羽  
水氣暗浮窗林烟細紫樹忽憶棹航船牽荷弄秋渚

觀獵

秋郊芳草歇。獵燒稍緣岡。庭中孫鬢出。門外翟蘿張。  
重鎬一以縱。三窟慢多藏。流星越蕭薄。掣電迸蘭房。  
左右競漁貫。徒旅各鷹揚。觸刃無單斃。嬰筈有雙傷。  
歛獲赴中厨。割鮮行羽觴。所患崦嵫迫。誰謂戒余荒。

新歲有感寄東席煥章胡居敬

積雪蒼茫裏。寒山慘淡中。艱難經日別。漂泊此時同。  
筋力年非壯。詩書道未通。狼烟春戍火。禽語夜溪風。  
心似西橋水。滔滔日夕東。

翠屏山房為羅伯綱賦

結構依茂林，開軒面青嶂。浮嵐變朝采，宿雨經池上。  
春陽正和煦，生意日條暢。徑草綠已繁，皋蘭葉初放。  
修翰摩烟霄，游鱗泳清漲。動息皆自然，至理妙無象。  
遺紛便靜觀，寂寞諧所尚。偃仰邱壑間，中情無徒喪。

風樹亭為潘長史德全賦

步出蒼山隅，前有六尺墳。墳上何所有，喬木上參天。  
枝繁葉亦茂，悲風乃相纏。感此重悽惻，踟躕向樹前。  
親歿不待養，冥冥間重泉。倚廬依故兆，崇構表新阡。

歲時設飲食拜跪若生存觀者為歎息行者為盤旋  
孝思諒罔極念彼永錫言

秋林讀書圖為章光遠賦

疏雨稍侵竹輕颺已滿林山窗敞虛寂席戶映深沈  
蠅蛸或陟几蝸牛時觸琴酌酒磬石上把卷高培陰  
披覽未終帙繁忠浩盈襟義農倏已遠叔季遞荒淫  
懷哉魯連子輕世有遐心願保金玉體遺以瑤華音  
行當拂塵服就子碧山岑

離思方蕭索况復暮秋餘  
衰蘭空委露殘荷已委漂  
獨憶西風寒還傷北澗  
居憂采繞庭樹閑拈墜葉書  
霜露日淒淒園林烟景變  
落日薄寒塘斜日明秋句  
陶尊湛清醕瑤軫含幽怨  
寂寞西窗下時聞山鳥嘯

和宋學圃韻

寥劣非世器固應知者稀  
遺紛憩靈館聊以慰所懷  
芳聲契夙仰良覲副幽期  
逍遙對疎雨山瓢時共持  
蘭言發孤唱醇章愧典彝  
促席情未懷結軫念當離  
心知非遠別終繫故人思

題匡山石室

濁世慕軒冕高情羨漁樵  
吾志太冲澹久欲辭塵囂  
及茲訪名山幽衿頗逍遙  
捫蘿躡風磴振策陵山椒  
道人頗愛客茗飲還相邀  
霜葉土逾積山空寒氣饒  
嘯歌倚琪樹遺響落雲標

羣山爭盤行竄壑盡奔放  
中峯最奇絕直立數千丈  
危構倚石壁面勢極弘敞  
心神坐超忽雲雨接恂恍  
山色晚更佳泉聲靜逾響  
舊言最絕頂臨眺極所往  
欲窮十里目更試九節杖  
精廬極蕭爽乃在匡山涯  
鮮飈泛林木旭日生巖扉

樵櫓隔烟小，鐘聲出林遲。  
階前百尺樹，倒挂枯藤枝。  
中有避喧者，禪誦清四時。  
挽蘿結幽佩，紐葉為秋衣。  
靜談遠公傳，東林迹已微。  
怡然契玄理，令我坐忘歸。  
清霜綉林麓，遠望更妍麗。  
兩山忽豁豁，徑窄石磊磊。  
溪橋度曲折，緣源入空翠。  
陰崖發靈響，絕壁生嵐氣。  
水白春白雪，石田散金穗。  
縱觀延賞心，回薄領幽思。  
麋鹿食澗草，哀鳴求其類。  
感此思故人，寄危久相棄。

登烟雲臺同西峯諸友分韻得跨字

振策履崔嵬，飛步凌雲榭。  
俛觀飛鳥翔，遠見平江瀉。



彈棊古桂陰酌酒長松下谷響嘯哀猿林香遍山麝  
祈靈醉巫覡尋真望仙駕翠虬金節導青鸞羽衣跨  
遙興殊淹留吹簫待清夜

訪驛馬精舍能上人不遇識其從孫蕭生道  
修夜坐誦詩次日書此識別留秉能公

晨起忽不樂驅騎高原行四山多嵐氣日照孤峯明  
亭午際江渡烟艇浮沙汀登岸迷所適岐路万縱橫  
忽憶驛馬寺久暮能公名詢途向烟霧阡陌互紆縈  
漸入石路窄松蘿藹冥冥龍象雖寂寞廊廡猶崢嶸

道人赴齊出鐘梵杳無聲歎戶識之子開室出相迎  
宴坐畢餘景空花聞夕馨佳句誦新作摘藻艷春英  
山尊瀉芳醕秋蔬摘霜莖性味空寂旨心樂儒推清  
夜止西窗宿風條中夕鳴病容既多感聞此心骨驚  
明當舍之去沿流到江城方從湖海游暫遠林壑清  
山門蔭寒沼中涵苔蘚青法原庶無竭歸日濯塵纓  
過安慶懷余青陽先生

淮壖古重鎮龍舒寶雄冠顯顯青陽公銜命茲屏翰  
又能宣皇風武能折兇悍仁能撫士卒知能輯流散

孤城抗千里一身當敵萬運否拙壯圖皆死負英笑  
城亡遂捐軀仗節死國難忠義凜霜日聲名炳星漢  
我來當夏杪延覽遂興歎俯仰成古今興亡猶在眼  
疲人稍歸廨置舍臨江岸午風舟舫集夜霽燈火亂  
精靈或來往廟食儼容觀生為烈士尊死為奸臣憚  
咄咄吟詩臺千載污青簡

友人胡以中自豫章寄詩述夢中與保骨悟  
之事甚奇用韵荅之

束髮纓儒冠遠游無不之名都廁文士廣席聘雄辭

瑟鼓房中樂笙奏白華詩西奈非所慕東楚真我師  
志節邁往古言論非今時中路遇屯難鍛羽楚江湄  
親交笑憔悴蒼蠅相沾疵屢蒙俗士誚所異達人知  
之子晚相遇偽謙謬見推論心鍾陵市情好若桐絲  
宴宴新知樂悽悽贈別詞迢遞川途阻荏苒尺書稀  
沈憂結中曲夢寐手同持終夕忻暫展寤言仇傷離  
感彼澤中雁分飛竟何為豈如鄴城劍神合乃為奇  
徒屋芳藻贈策君云錦機申章豈云報悵悵位容儀

寄玉田詩親索茶

今年新茶幸各分惠少許須精好而不必  
多不精好則不足珍過多則害於廉也詩  
寄山林主者而不著其名所寄非一也能  
不忘北澗之白者當致此貺而不能者亦  
不强也

採茶西庵裏應懷北澗人曾同摘露葉携鼎對高雲  
相望無百里睽別又經春徒以困塵渴希君筐篚珍  
抽豪張延仁聊用寫斯文

封溪李翁年六十餘一日無疾跣坐而終

遺命為浮圖以葬余讀其里人所為墓誌  
賦此書其後

萬物終一盡斯人豈久全  
滿俗悲齡促達人任天年  
委蛇若秋蛸蚺蝼猶儼然  
靈車指高里梵塔表松阡  
入室瞻虛位撫卷讀幽鐫  
徒令里中父揮淚稱其賢

擬古

南山有貞柏北山有喬松  
託根雖異處性情乃相同  
根枝何偃蹇修幹亦彎隆  
嚴秋霜露降原野激長風  
回視三春花錦艷已滅空  
獨茲逞秀色我我幽宮中

秦宮植嘉木，偷柳竟為容。一朝任梁棟，推撓敗其功。  
良材棄遠道，匠石乃不逢。貞潔幸自保，千歲以為終。  
南國有佳人，秀色麗春陽。素手弄機杼，織綺向蘭房。  
涼宵步玉階，羅襪沾微霜。生愁容華歇，中宵理絲簧。  
鳳笙惟未徹，瑤瑟怨何長。哀響激林木，回車動華堂。  
借問此何曲，新聲奏宮商。東隣有游子，聞之感中腸。  
願持五襍俎，繫君羅襦裳。攜手共游衍，卒歲已翱翔。  
中情莫自致，脉脉情內傷。

珠明閨重暄，况憂坐南軒。古人不可作，感慨撫遺編。

珍鳥從西來，采翮何翩翩。遺我瑤華音，鏗若薰風絃。  
顧之忽不見，芳草歇郊原。安得接飛羽，遙凌烟霧寒。  
青松生遠壑，鬱鬱挺奇姿。高蓋抗浮雲，孤根濯清漪。  
冰霜一何厲，秀色不終移。長風萬里至，熒熒振其枝。  
上有百尺蘿，翠莖冒歲蕤。下有千年苓，服食比瓊芝。  
灌木豈能翳，板楸諒堪齊。梁棟固有待，用舍乃需時。  
遲暮莫與歎，貞堅良自持。

贈義士郭生

郭解古游俠，然諾聞公卿。片言苟相許，九鼎相為輕。



操九過洛社挾九出咸京珥刀酬劇孟白璧奉侯嬴  
去之千餘載君今振家聲矜懷還個儻壯志復崢嶸  
脫略時俗子調笑狎群英華筵間綺席甲第連朱戟  
駿馬桃花色金羈翡翠纓良時事遊冶南陌沒東城  
一朝風塵起高義激中情傾家赴國難誓將斬鯨鯨  
長揖二千石遂長萬大營營中燬群盜墮垣委荼荆  
千金出私帑梁棟聿新成門庶既弘遠堂構復高明  
三軍盡鼓舞羣公亦歎驚由來豪傑士乘時樹勛名  
生當執金吾訓練羽林兵誰能對青簡齷齪稱儒生

美余遷心元帥

朝吟都護曲莫誦從軍篇  
咏歌何慷慨為多中憤言  
明公任藩屏伏鉞鎮淮壖  
孤城當千里百戰定三邊  
斬馘馮大旗吹笳動前軒  
虎落布平野魚麗度高原  
桓桓熊羆士捷奏日暄傳  
孤竄方渙侶耕牧被東阡  
事業冠終古勳功何赫然而  
我負奇志早歲重周旋  
何由吐寸畫撫劍當尊前  
捐軀赴國難庶以慰煩悁

奉答定使君刺城詩

驚茂激層觀乘游曳輕素俯觀滄江流  
遠見平郊樹

鳴折警重闕然烽應遙戍英雄受藩寄巡省當秋暮  
行慢濕晨霜迴鑣霑夕露眷茲凋弊祗憂情諒深注  
貞詞敷麗藻嘉猷啟立悟明明君子心淵淵抱冲懷  
終當肅氛稜海宇同清曙

為貞上人賦贈醫士黃生

嘗弁輦往古誰能究其初之人能深詣閉戶十年餘  
上窺黃農秘下觀倉扁書采蘭青澗濱鍊丹蕭水隅  
釋子道林秀抱瘵卧幽廬圭刀啟沈痼為報當何如  
徵詞及庸陋裁簡愧瓊琚惟當種文杏與子共閒居

定使君自豫章回病中奉簡

嬰疾怯長夏伏枕已旬餘友生期不至幽齋誰與居  
驚飈觸櫺軒疏雨洒高梧高山長新蔓流水激長渠  
稚子罷宿講零亂比前書脉脉解悰緒四體若纏拘  
乃聞賢牧伯返旆自名都車馬集江滙冠帶麗城隅  
阻陪群彥末攝衣起躊躇駿奔缺彝敬恨恨將何如  
含情託柔翰意塞不能舒唯當一展覲庶可慰煩紆  
方方壺畫軒岐論道圖為道士何仲旭賦  
彩筆發神秘仙山開畫圖靈文隱玉笈石扉啟金樞

寤寐軒岐術結交蘇童徒羽服繫羅帶節杖懸藥壺  
行當謝塵服從子崑崙墟

題道士何仲旭行卷

結髮事浮邱飄飄萬里游羽童迎白鶴虎節導青牛  
度月簫聲遠凌空劍氣浮山連吳岫碧潮愛浙江秋  
摩挲書苔石懸壺宿市樓少君曾有約早晚訪滄洲

寄友人

飄風吹浮雲西飛無時休落日照大河東逝浩悠悠  
遠客去鄉邑索居寡良儔之子適邂逅執手臨道周

誓言永相好樽酒結綢繆既無新知樂復寬離別憂  
豈言一解携再親悵無由况當商飈至原野日蕭飀  
候蟲響陰砌寒鵲疾崇邱中夜起傍徨仰觀星河流  
歲月良易失常恐願難酬思為日中影隨君長戲遊

贈友人之章貢

秋雨正漠漠秋風何淅淅對酒送行人憂思生塊積  
黃鵠不可馴飛蓬易相識幾日對崆峒滄洲渺難極

感遇

穆王昔南驚八駿若浮雲一軍化異物茲事久傳聞

猿鶴猶可念沙蟲何足論陰陽運無端福禍理斯存  
狂馳感今晷日夕自介崩栖息謝芳桂恐未蔭其身  
荃蕙未滿擷蕭艾動盪中是是豈不美飄風不終晨  
日余服古訓遺則視斯民采薇豈不餓蹈海良苦辛  
匪要千載譽貴以達彝倫

人心不可測海波與九疑對面不自保況乃千里遠  
昔如雙飛鴻今若單栖鶴昔如三春花今若濁水泥  
君子保真素小人多自欺治容強自媚徒令素體虧  
不見張仲蔚白首掩蓬扉

腐鼠嚇鵲鵠魚目欺明珠由來青雲上高視笑泥途  
廣途騎駿馬長戟夾高車光榮被九族氣談陵萬夫  
抵言固恩寵豈悟有榮枯萊苑生朱門鵬鳥瞰賈除  
徒聞黃大嘆千載為驚吁回賦揚子雲獨守太玄書  
大道直如矢曲徑行且盪舍車原莊內遵彼狹斜間  
狹斜多妖麗一笑好容顏金鋪間綺疏青樓入雲端  
羅袖為君開瑤琴為君彈明當結網繆魚水比交歡  
一朝青蠅至白璧生疑患恩愛生頃刻平陸起波瀾  
早合雖及貴中捐良可歎



聞清江羅難甚惜愴然有懷

大江浩東汪孤城未合圍驚飛起西南戈舫詎如飛  
生兵意自異隣救盟屢違焚牛計未展脫免事還非  
星奔填四門雲散溢九旭追騎左右至白刃縱橫揮

和鄒椿齡見寄韻

憶昔西郊道觀游盛傳侶但念新知樂寧諧生別苦  
風起青蘋末塵飛大江渚孤鴻竟安託鷺蓬離故所  
容易十年餘憂來誰能語

息跡北澗陰索居惟棕少豈無濁酒漿沉泛盃盞缶

清詩誰與諷玄書徒自守局促

四壁

九歌

逍遙湄湘雲相望幾昏曉

五月四日飲何氏西軒

飛軒瞰空翠延覽何快哉  
霏微澹烟合蕭條疎雨來  
輕颺宜岸幘爽氣助傾盃  
唯耽邱山賞詎識濟川才  
游游暫起滅倏忽若驚埃  
祇應蘇門嘯可以共開懷

贈彭萬里

昂藏八尺軀磊落萬里志  
振衣百仞上遠望九霄際  
肅肅孤飛鴻正與浮雲逝  
提携雙龍劍結束千金騎

入秦希蔡澤投燕慕蘇季千里游諸侯辯聘七十說

馬能守書開區區識奇字

劉仲修先生詩集卷二

五言長律

綠錦池為定侯賦

宮沼湛芳泉紅櫳照綺錢  
藻絲翻玉鯉柳葉曳金蟬  
日護瑰文麗雲迴碧甃圓  
凌波乘洛佩向月映湘弦  
樹影浮觴近花陰列籍連  
鑑湖賓客在共賦綠荷篇  
遐想亭為憲史劉原善作

栢府多清暇西曹愛苦吟  
結亭修竹爭開選古苔深  
柱笏延朝爽抽毫對夕陰  
色分滄海樹興接紫山岑

鶴唳雲侵戶烏啼霜滿林  
文紈輕羽扇素錦舊瑶琴  
佩響玲瓏玉盃浮錯落金  
營寧應有約早晚共幽尋

陳君心吾以黃鼠筆見貽此筆唯京師多用  
之江南罕得也賦此贈之

冰鼠金豪銳霜筠翠管長  
携來南郡遠削出北州良  
持寄煩銀鹿封題處縹囊  
剡鋒摧光魄圓影散龍香  
落楮雲烟驟搗文錦繡張  
波戈資險勁摹畫任圓方  
色重合清潤芒寒墮紫霜  
玉蟾分曉潤銅雀對晨光  
內史來禽帖黃門急就章  
秋林多柿葉揮洒興難忘

北澗春雪示內姪

乍觀朝霞結旋觀暮雪霏陰林紛已積陽山情猶微  
石磴斜拖練池冰冷合圍梨能先暖發柳作上春飛  
草綠潛抽鎖泉珠暗落磯家如瓊島貴門連玉人歸  
八夜偏疑采餘寒尚挾威光搖鵬尾劍色起鶴翎衣  
妙賦才難敵清歌和更稀毋令須尹願高卧掩蓬扉

寫齋前桐樹上

寂寞華門中珍木有雙桐危柯金錯落碧葉玉璫瓏  
滾滾晞湛露珊珊延凱風草落知涼近連陰識夏終

白屋遺朱愛赤社表唐封宦要鳴鳳集誰比援垣東  
點筆多幽興思與美人同

乙巳北澗元日

溪山偏積雪歲律屆青陽  
羈禽翻露井輕冰結圓塘  
繁梅香澗戶晨燭輝曲房  
壯歲驚世難徂景惜年芳  
薄技工詞賦遙心撫劍鉞  
春隨遶聲動寒驚山燒揚  
龜兆獻嘉卜巫書徵吉祥  
所希迎休應遊載奉高堂  
再賦近體十韻示何彥謙

地覺宜春近寒餘丙夜長  
霏烟留暝采積雪助晨光

賢酒尊分綠慈闈髮委黃山深遺古俗市遠缺珍嘗

試筆初來露看鈞乍試霜蘭垂玉女佩梅吐金君香

護落思時泰污邪祝歲穰戶愁輸賤布人喜罷兵行

端策潛觀象占星欲射狼

華門聊偃塞箇間設徭徭  
自取安庸省从人討楚狂

舟行膠淺晚泊小橋期至豫章而別則尺

矣即事書懷簡何平子

偶遇乘槎侶因辭下澤車客程暮旦暮川路滯風沙

石碎愁鵝子汀長怯犬牙急湍騰雪馬淺溜感霜花

聚舫時連鷁攢篙若聞蚊去留因地利漂泊任天涯



洲指黃牛近山瞻白雁迴潭烟迷浦淑岸火識人家  
繫纜安柁我俱逐宿葦葭中宵漁鑾歇向晚雁聲諱  
忽憶別期從還恰晏景斜到愁分紫氣酒喜酌彤霞  
坎壈身如寄蹉跎髻欲華相期何處好句漏問丹砂

和伍朝賓韻

道喪文儒業時艱武士尊慙無一劍勇空有束書存  
孤嶼遙當戶橫塘獨掩門寸心誰可語往事不堪言  
秋晚鷹風急山寒豹霧昏野人辭語質隣婦性情敦  
接屋通鷺鳴分泉種蕙豈經過宦厭數來往不辭煩

漁艇藏華隲棋盤隱橘門  
剪荷為野服制瓠作山尊  
字向盤盂考文從典故論  
有雲方感別聞角更銷魂  
寂寞沙坊市蕭條玉峽村  
思君如白璧何日近春溫

江濱小警胡居敬助教來訪雨中有述

日月歲年過風霜道路難  
晨刁傳警急夕火報平安  
江遠連山峽山危過七盤  
轉蓬嗟共逐落葉喜同看  
散帙依松几抽毫點石闌  
劍神終雨合壁美竟雙完  
雲物含朝慘琴尊盡日歡  
慈烏低避雨鷺鳥急衝寒  
迢遞吳天迥蕭條楚塞寬  
魏牟心獨切目斷北飛翰

同劉元善諸公池閣分韻得涼字

虛閣鮮珠佩清池泛華觴  
簞筠湘水冷屏石海雲涼  
永桃露紅顆碧蓮分翠房  
抽毫咏文鳥垂竿釣鰭魴  
幽賞豈云極佳期諒難忘  
不慚鴟鷂質長陪鴛鴦行

池閣獨坐懷周伯宣諸公

杳閤林光合冰簾水霧消  
虛池含碧鑑古甃疊青瑤  
境託祇園迴泉分別圃遙  
雙桐陰覆地疏竹餘陵霄  
珍鳥啣珠果金魚蔭翠荇  
輕颺吹白芷涼露濕紅綃  
鸚鵡懷深酌莖篴想緩調  
含情寄柔翰幽賞憶清杓

時寄伍朝賓

才子多文藻京華富友朋價同千里駿情似九霄鷹  
學省然官燭倡樓對市燈醉傾光祿酒渴飲凌人欠  
馬惜障泥錦人輕半臂綾御溝紫似帶馳道直如繩  
青瑣彈冠入朱門躡履登時清周道泰運否楚氛騰  
六郡良家選千金國士徵生軀千載烏露宿時黯相  
在葦山河隔蹉跎歲月增鯨鯢依巨浪虎豹嘯高陵  
野燒兼風起邊烽共月升候雞晨喔喔警鼓夜鏦鏦  
水市船通賈山村屋近僧陶尊深泛蟻竹簡細書繩

交愛虞生好詩憐辛子能遠書同客寄遺藁借人膽  
古道時因棄孤忠世共憎相思愁極目惜別淚沾膺  
日晚凋琪樹天寒落翠藤願堅松柏操海宇運中興

壽定子靜

白羽臨風直青油拂曙開步聯宋履入騎引王珂來  
兵衛森朱戟仙人撫畫累春明三壽草雪映九英梅  
共祝椿松壽仍知柱石才銀章龜左顧翠霧虎交迴  
雨露低南極星辰接上台捷書簾外啟詩簡坐中裁  
碧海飛埃靜彤厦入奏催願留雙來筆圖像入雲臺

題張戡畫寒原歇騎圖

六郡良家選三邊漢將臨  
龍駒能噴玉彫羽解飛金  
射虎踰沙漠休鞍追蹕林  
驚風從北度白日忽西沉  
歸國關山遠論功歲月深  
遙聞笳鼓發忼慨欲沾襟

望香爐峯讀孟浩然詩因述

移掉望廬阜香爐舊識名  
鳥飛千嶂碧日淨片雲生  
傘瀑長虹下溪深猛虎行  
松門通佛宇蘿逕遶簷楹  
業愛遠公白詩欣孟子清  
余方謝霸東幸此共芳聲

看劍亭為豫章李大用賦

華亭雄楚構寶劍出吳鉤照席秋蓮粲當楹紫電浮  
夫袞裁縹錦韞鞬飾素璆曉躍蛟精泣宵鳴鬼母愁  
拂鐔增俠氣撫鐔帖奸謀價為張華重名因薛稷收  
傳家知舊烈借客報私仇却笑魚歌者空彈一割綬

督租逗留山莊書懷寄郡中同志

旭日照空鐙華戶西崇邱高柳晨鵝去哀蘭夕露收  
平時延廣術急沫瀉清溝寧惡山居樂方懷并祝憂  
搦文阻高燕結軫寡良俦九夏成淹泊三秋仍滯留  
明當詣郡府一泛滄江流

題雪松巢

鳳院金園地，巢樓珠樹林。  
香霏雲葉潤，雲共雨花深。  
飛鷺呈瑤彩，懸魚引玉音。  
九枝然蕙火，五粒長松陰。  
馴虎知禪性，澄江喻法心。  
許詢慚久病，思欲共登臨。

被謫過桃源縣

江楓西去舟，還客動離憂。  
白髮違慈母，青松憶故邱。  
驛樓鵲噪晚，漁浦雁驚秋。  
李白夜郎謫，鍾儀絳邑囚。  
倚棹悲身世，翩翩羨白鷗。



劉仲修先生詩集卷三

五言律詩

春日宴胡助教寓館次傳商翁韻

高館向山開，相將海燕來。  
蘭肴升玉俎，椒醑瀉銀杯。  
雨竹藏幽鳥，風花點綠苔。  
傷春無限意，偏憶豫章臺。

贈玉梁山卜者

松藹玉梁烟，練帷映蔥蒨。  
客談興霧術，人送採菖錢。  
睡鴨香爐古，靈犀塵柄圓。  
從君似非晚，擬賦卜居篇。

畦樂園

郭南抱瓮者久與世情疎  
砌長龍鬚草林開燕尾渠  
鹿盧花下轉萬草雨中鉏  
蔗熟能相寄醇君薤葉書

石潭漁隱

石潭春水綠霞秋晚波紅  
蟹舍能留客漁舟不畏風  
花煥薰芳餌蒲深隱釣筒  
因俾鷗鳥不羨北飛熊

春暉堂為推仲武賦

露旭映紅 暉風動綵裙  
橐中金作話花外筍為興  
綺 飛鳥烏金盤鱸鯉魚  
擇帆經故里時一問與居  
咏荷葉

圓絨初出水規蓋已迎風色迷青鳥度蔭密戲魚通  
裁衣偏覺爽酌酒乍如空向曉珠搖蕩時瀉玉盤中  
贈付元賓兼謝梁徵士

百里訪柴荆秋原獨自行屐沾山雨滑衣染澗雲輕  
賣卜應潛姓工詩不趁名故人枉書禮煩為謝高情

文溪漁隱圖

朝陽耀白雪微月照寒泉玉環承佩結明珠綴組連  
不愁歌次闕已向畫圖傳詎是揚州郭偏蒙何遜憐

王若水山水

谷口寒潮上屋陰宿霧開石橋通窈窕金棧倚崔嵬  
樹暗茅堂閉波明桂楫回山中花落盡為報豫章臺

溪山漁艇

夕陽延莫景秋色遠冥冥流水雙溪綠寒山九疊青  
石樓依古木草徑接遙汀釣叟長年在何人問客星

題枯林蘭

倚蘭生遠壑歲久紫玉芳白露溥夕景光風轉朝陽  
吹簫望澧浦鼓枻向沅湘何以貽遠者徘徊雙鳴璫

雲林清隱為空碧上人賦

瑩公栖遁處珍木自成林  
藹藹碧雲合紛紛蘿薜陰  
焚香對石几長嘯撫孤琴  
余亦厭塵俗將近閣山岑  
泊舟雷港隔岸望東流  
縣山水明秀欣然有

作

南風滯北舫西望渡東流  
晴峯照綠水秋葦連滄洲  
遙知采苓逕稍辨羽人邱  
延覽思無極因之消客愁

和楊伯謙韻

酌酒長松下垂蘿拂酒杯  
異禽窺藥鼎乳鹿卧書臺  
澗水穿林去山雲帶雨回  
相期同結屋不厭野人來

結屋依江渚。竹梁當石津。翔鷗時傍楫。跳鱖謾驚綸。  
杜若香風遠。桃花水色新。臨流自有趣。何必渭川濱。

送吳德基赴興化令

春江望不極。草芳綠江潯。千里長沙道。孤帆去客心。  
縣城依水國。吏語帶蠻音。到日應無事。華亭自鼓琴。

送劉克誠歸橫浦

湄湘重到日橫浦復歸時柳色紫離恨棠陰藹去思  
清歌頻送酒綵筆共題詩別後梅花發煩君寄一枝

和胡參謀書懷韻簡彭書記

色重東橋柳香傳北嶼花虛舟侵鳳渚春水一漁家  
野燒迷朝燧江風帶暮茄故人居幕府多病嬾趨衙  
青年杜書記白髮漢郎官曉佩聯清響春衫奈薄寒  
詞賦哀時切詩書易俗難頗聞邊報早聊足慰辛酸

和荅真上人

不才人共棄蹤跡與時疏荷芰成衣服茅茨制屋廬  
山華當几席野水到階除素志安沖澹中心恒晏如

王峽潭波山莊

歲杪涉風烟連村熟羊田路危楓葉斷石險桂根懸  
鹿柵成山壘漁梁阻澗泉爭心逐時化耕鑿喜安然

挽吳子茂

昔仕龍驤幕英風國士前忽將和氏璧深瘞北邙阡  
擬續王孫傳愁看絕命篇重尋結軫地清淚為潺湲

題張四孝廬山居



家住扶山下紛紛霜葉飛  
雨微簷滴緩風急雁聲稀  
楚國戰初罷贛城人未歸  
情君奉甘旨終歲掩柴扉

經湖口縣

古縣開湖口高橋集岸隈  
山從廬阜起江向武昌來  
近水皆楊柳荒城半草萊  
客心元自速更遠晚風催

寒江獨釣為仲簡賦

曲漱看如絕寒江望若空  
流漚浮水白飛葉映波紅  
綸弱竿無定舟輕渚易窮  
非閑少徒侶自是興難同

題方方壺畫仁智圖為道士王默因賦

玉檢神仙記瓊臺羽上家軒窗明日月冠佩剪雲霞  
白鶴窺殘奕青童掃落花憶曾訪丹術楓迳駐輕車

同傳商翁何彥正舟中有懷辛好禮韻

浮雲無定姿青陽易消索渡口人獨歸雨中花盡落  
風急買船稀春寒客衣薄所念同心友天涯尚漂泊  
沙際水痕交細草蒙茸長春江下連雁夜雨同孤舫  
佳期違宿諾歡笑懷前賞餘燼落寒燈卧聞漁板響

春江送別圖

鳴禽變時節游子念將歸閒園花欲歇芳洲柳若圍

江春魚入饌山暑芟成衣尚有相思字應勞采燕飛

五言絕句附

寫墨竹一枝并題與章子愚

落日洞庭西曾聞唱竹枝十年江海別風雨謾相思  
積雨簷簷晚新晴澗谷春錦衣看稚子翠袖憶佳人

寄雪印

高齋讀書罷松月影層層遙憶寺門閉紗籠上佛燈

題竹

十日聽山雨新梢長鶴翎清風動鳴玉露濕蕊珠輕

題稚川畫

水流菱荷浦家徑菜蕒瀨誰掉酒船來空潭波影碍

題墨竹

新雨收金珮輕風輕玉環截筒為九寸吹向武夷山  
綠節含新粉寒枝落舊金林間踏春雨隨意入瑤簪  
仙人翠雲裘手持青鸞尾襟佩聲珊珊淒淒月明裏  
倚石明金節穿林度翠旂高秋來鷺鷥暮雨移蠨蛸

寄彭聲之

新蓮已屢摘君子意何如憶在湖西舍花間獨釣魚

題墨梅

玉作連環結羅襪淺凌波月色照湖曲相逢可奈何

題雪竹

數尺碧琅玕蕭蕭玉節寒因思泛湘浦回棹雪初殘

題綠野春陰圖

野色連青藹春流澹碧沚蘼蕪隨處綠離思滿南雲

題彭氏畫壁

翠木舞蛟虬金堤漾碧流宵間望烟嶼忽憶故園秋

題畫

雙松挺直幹衆壑秋聲集古  
運清蒼苔飛子無人拾  
古樹色蒼潤似含空山雨  
江南秋思多搖落驚遲暮

秋日同友人泛舟

兩岸楓樹林落葉隨流水  
飄轉無定時天涯感游子  
來把青竹竿學釣水中魚  
經年消息斷疑有故人書

題畫

霜柳殘枝短官河落日微  
江南多彈射莫向舊林飛  
滿湘積雨收新篁出藁小白  
練立柱頭微風吹嫋嫋

題稚川畫

二月燕子來官河柳條碧落絮作春泥新雛始舒翼  
翩翩野田雀行啄野田粟日暮接翅歸秋風動叢竹  
班班短尾鷦毛色如紫綺承粟秋正肥高飛不盈咫  
灌木寒枝短幽禽靜不驚月中白鷺下時聞啼一聲  
題枯林墨蘭

澧酒多瑶草潯陽足暮雲臨江捐佩玦延佇望夫君  
偶出周伯宣至寓舍寫竹一枝而去歸見之  
因題

虛館掩秋風最篁長新綠知有幽人來蒼苔滿行躅

子昂竹石

古研麝煤香書傳雨漏牆高齋對松雪隨意寫瀟湘

題左壺子墨竹

雨濕碧琅玕蒼苔遺故跡悵然懷遠人欲制山陽笛